

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23 i 46/25), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Službe za zajedničke poslove ZDK broj: 01-11-689-21/25 od 29.04.2025. godine, za tumačenje odredbi iz člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine, na 13. sjednici Komisije održanoj dana 06.11.2025. godine, donosi:

ODLUKU

o tumačenju odredbi iz člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi iz člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

„U skladu sa odredbama Kolektivnog ugovora za službenike organa uprave i sudske vlasti u Federaciji Bosne i Hercegovine dozvoljeno je priznati pravo po samo jednom osnovu ukoliko se radi o istoj dijagnozi.“

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav (6) Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnositelju zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev Službe za zajedničke poslove ZDK broj: 01-11-689-21/25 od 29.04.2025. godine za tumačenje odredbe iz člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine, a u smislu utvrđivanja da li se utvrđivanje prava na novčanu pomoć može cijeliti po dva osnova, odnosno ukoliko su podnesena dva zahtjeva po osnovu iste dijagnoze, po osnovnu teške bolesti i invalidnosti, da li se pomoć isplaćuje po oba osnova.

Imajući u vidu navode iz dostavljenog zahtjeva, Komisija ističe da je članom 35. Kolektivnog ugovora za službenike organa uprave i sudske vlasti u Federaciji Bosne i Hercegovine jasno definisano da se radi o jedokratnoj pomoći, što bi se imalo tumačiti kao pomoć po osnovu uspostavljene dijagnoze u skladu sa relevantnim propisima.

Imajući u vidu navedeno, Komisija zaključuje da je predmetnim članovima Kolektivnog ugovora jasno propisano, članom 35. stav da nije moguće priznati pravo po osnovu teške bolesti i invalidnosti za istu dijagnozu.

Shodno navedenom, utvrđeno je tumačenje odredbi člana 35. Kolektivnog ugovora, na način kako je navedeno u tački I ove odluke.


Obzirom da je odredbom člana 72. Kolektivnog ugovora utvrđena primjena istog u odnosu na organe i insitucije na koje se ovaj kolektivni ugovor primjenjuje, utvrđeno je kao u tački II ove odluke, dok je tačkom III utvrđeno da su ovu odluku dužne poštovati sve ugovorne strane ugovora, u skladu sa odredbom člana 71. stav (6) Kolektivnog ugovora.

Broj: 01-741-62/25
Sarajevo, 06.11.2025. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Tijana Babić



Samir Kurtović



Haris Karačić